



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

Antipharmacum.

urn:nbn:de:hbz:466:1-40295

Antipharmacum.

HIS Nouatoribus oppono antidoti loco non tantum illa, quæ de his cæremoniis doctissimè Bellarminus lib. de Baptismo disputat; sed & duos Lutheri libellos de ritu administrandi baptismum, in quibus omnes propemodum catholicis vsitatos ritus retinet, suisque præscribit; licet Lutherani, etiam Prædicantes, paulatim ad *conduplicatam*, imò & *triplicatam* & *quadruplicatam* simplicitatem Calvinianam se transferant, & plerosque baptismalium rituum valere iubeant.

Quæritur XXX. Quid Beza & alij in specie de signaculo sanctæ Crucis (quod & ipsum ex baptismi cæremoniis vnum est) sentiant. Respondeat tibi ipse Beza his contra Balduinum verbis: *De Cruce quid dicam? Fuerit sanè tempus, quo fuit aliquis istius signaculi aduersus Christi crucifixi contemptores vsus: sit etiam diu & libenter à Christianis usurpatus pro externa vera religionis professione. Cum tamen iam pridem deserit istorum miraculorum vsus, nec inter eos idololatrias versemur, à quibus hoc signo distingui nos oporteat; cum denique eò res deuenit, ut cum ab Artolatria discessero, nulla sit sub celo talis Magia & Idolomania species, qualis est illa crucis signatio, & spurcissima adoratio, adeò ut quod vni crucifixo nunc in calis regnanti debetur, (de nulla re magis, ut arbitror, sibi plaudente Satana) ad aurum, argentum & lignum publicè sit translatum; tunc à nobis tam horrenda Sacramenti profanationis omnem memoriam, & occasionem sublatam merito potes indignari? Scio tamen nonnullos, sublata crucis adoratione, aliquem signi crucis vsum retinuisse. Utantur igitur ipsi, sicuti par est, sua libertate. Sed, si quas ipsi habent huius signi in Ecclesiis suis retinendi causas, nos certè cur illud nulla modo toleremus, & plurimas & necessarias causas habemus.*

Idem

Idem Beza epist. 8. ad Pseudoepiscopum Londinensem: Crucis consignatio, etsi vetustissima est, tamen quid utilitatis afferat sanè non video & quamvis mirificè & prorsus υπερβολικῶς à Chrysostomo præsertim, quasi quadam religionis Christianæ summa commendatur, tamen cum neq; autoritate verbi Dei, neque vlllo Apostolorum exemplo, (ἀπόκρυφα enim illa nihil moror) nitatur, id est, cum omni Dei verbo destituatur, nec sanè etiam ad decorum vlllo modo pertineat; denique cum maximè abominanda superstitioni, & omni horribilissima illi hyperdulia crucis, primum aditum patefecerit, multò minus velim illam inter ἀδιάρκεις numerare, quàm ancum illum serpentem Ezechias.

Idem Beza epist. 12. Signi Crucis, ut olim aliquis fuerit usus, eam tamen esse & quidem adhuc adeo recentem superstitionem maximè execrabilem, certum est, ut rectissimè fecisse arbitremur, qui semel istum ritum ex Ecclesiis expulerunt, cuius etiam non videmus, quæ sit utilitas.

Antipharmacum.

ADVERSUS hæc Calviniani Bezæ & aliorum Crucis hostium venena, proderit sumere hoc alexipharmacum ex Calviniani synedrij Londinensis apotheca. Nos, privati cuiusq; tum Ministri, tum alterius personæ cuiuscunque, statuimus esse, verum Crucis usum, publica auctoritate præscriptum reuerenter amplecti ac recipere (in baptismo administrando) præsertim cum intelligant res alioqui medias ac indifferentes naturam suam aliquo modo mutare, postquam sub legitimi magistratus edictum vel interdictum venerint, neq; pro cuiusq; libitu præter legem omittendas esse, cum præcipiuntur, nec cum prohibentur, obseruandas. Quo fit, ut propter ipsam Crucis memoriam, quæ apud omnes verè in Christum credentes plurimi semper fuit, &c. Ecclesia Anglicana (Cal-

G

uinia-